

no. 6
ADVIS A
MONSIEVR
LE PRINCE.

M. DC. XV.

duplicate
not cataloged

ADVIS A MONSEIGNEUR
le Prince.

MONSEIGNEUR,

Q V I C O N Q V E veut gagner le
prix doit franchir la carrière . Les
plus beaux commencemens ne sont à rien
comptez s'ils ne sont suivis. C'est la fin qui
couronne l'œuvre. Vostre grandeur meue
d'un iuste desir, d'un zele ardent de voir cest
Estat reprendre sa forme, & le lustre que
vingt annees d'une entiere paix luy auoit ac-
quis sous l'heureuse conduicte de deffunct
nostre grand Roy. Et que quatre ans de mes-
me repos luy ont terny sous les ieunes ans
de nostre Prince son fils. Auroit tant supplié
& tant fait, que pour aduiser aux moyens de
son reestablishement. Sa Maiesté auroit trou-
ué bon de conuoquer l'assemblée des trois
Estats de son Royaume (remede salutaire à
ses maladies desesperées) Vostre grandeur a
fait une action digne du rang que vous y te-
nez, & de la pieté d'un Prince si proche de sa
couronne. Toute la France Monseigneur,
vous en a l'obligatiō. Comme celuy qui luy
avez procuré le bien, par le moyen duquel
elle espere recouurer la vigueur qu'elle a per-
due, & se reuoir encore en nos iours. Aussi
florissante qu'elle ait oncques esté, à vostre
grande gloire & à l'honneur & grandeur de

nostre Roy : Mais comme ce n'est pas tout de donner le plan à l'ouurage si on ne bastit dessus. Aussi ne vous sera-ce pas assez d'auoir preparé la voye de son bon heur à nostre France, si vous ne tenez main, que ceux qui sont ordonnez pour la y conduire le fassent fidelemēt Car il seroit à craindre qu'estât destournee du chemin, ou par la malice ou par l'ignorāce des guides, elle tombast en vn precipice plus dangereux que celuy duquel vous l'auriez pensé retirer. Qui feroit qu'au lieu des benedictions que vous deuez attendre d'un si noble dessein, vostre grand nom courroit fortune d'en souffrir interest au contraire.

Or Monseigneur, ie ne vous dy pas cecy sans cause. La voix publicque retentit par tout, que ceste assemblée si authentique ne peut rien produire de bon à nostre France; d'autant que toutes les roües dont ceste machine est composee, ne ioüent que par les mesmes ressorts qui ont alteré les mesures publiques. Et quels deux points principaux de sa conuocation, les Deputez ont reçu dès l'entree le resultat des résolutions qu'ils en doiuent prendre. L'un, portant deffences expressees de toucher à l'ordre du gouuernement & conduite des affaires. L'autre de commandement precis de demander pour

principal article de leurs cayers, l'accomplissement des alliances d'Espagne. Si bien que n'ayans libres leurs mouuemens pour deliberer sur ces matieres. Il est à craindre que l'Estat n'en souffre, & que vostre grandeur n'en recoiue le contentement qu'elle s'en estoit promis. Cela, Monseigneur, donne à tous les gens de bien qui vivent en cet Estat, vne fièvre continuë & vne crainte qui n'aura point de cesse qu'ils ne voyët vostre grandeur remettre la main à cet ouurage pour le redresser à son plan naturel, & luy redonner la forme & les mesures qu'il doit auoir. Ce sont les vœux de toute la France, Monseigneur, qui vous supplie & vous coniure tres-humblement que vous ressouenant des protestations publiques par vous cy-deuant faites, de vos sermens solennels deuant la face de Dieu, & du rang que vous tenez en cest Estat. Tesmoins sans reproche, de la deuotion que vous auez à sa gloire. Il vous plaise reprendre courageusement le soin de ce bel œuure & veiller à ce que les ouuriers ne s'escartans de l'architecture publique. Ils tendent au but general du reestablissement du bastiment, vnique dessein de leur conuocation.

A cela, Monseigneur, j'ose vous semondre de tant plus fort qu'y estat interessé d'ou-

blement cōme François, & vostre seruiteur, ialoux de la gloire de mon pays & de mes Princes. Ie pensois estre deserteur de ma patrie, & de ce que ie dois à vostre grâdeur, si ne pouuant contribuer de la main à cet edifice, ie ne le faisois au moins de la langue, seul instrument de quelque efficace qui me reste, pour vous rememorer ce que vous deuez à cet Estat, & vous estre tesmoin & organe des affectiō publiques desirees de vous en ceste action. Estant ce que vous luy estes vous luy deuez amour, & cet amour requiert de vous vn soin particulier de son bien, de son repos, de sa gloire, de tant plus qu'outre les obligations naturelles, vous vous y estes engagé librement par vos promesses sans autre semonce que de vostre zele. Ce trauail, Monseigneur, sera grand: Mais la vertu paroist en la difficulté. S'il est grand, il vous sera glorieux, ayāt vn obiect si meritant qu'est l'ordre & la paix d'un si grand Estat. Trauail toutefois qui ne vous peut estre infructueux: Car si ceste franche volōté vous lie si estroitement à ce dessein, ses redevāces vers vous luy seront de tant plus fort & plus estroictes. Si bien que de ceste chaine d'amour & de deuoir de vous à luy & de luy à vous vous ne pouuez que receuoir, luy beaucoup de bien vous beaucoup de gloire.

Et quant à cela, Monseigneur, vous ne pourrez estr esmeu par ces liens naturels de pieté à la patrie, si le deuez vous au particulier interest que vous y auez & de bien & d'honneur? Puis que Dieu vous a fait naistre Prince; Prince du sang de France, & encores entres les Princes, le premier. Qu'il vous a fait naistre capable de porter couronne. Ceste couronne, la premiere du monde; Ne vous sont ce pas des éguillons pressans pour vous induire à vous opposer de vostre pouuoir à ces torrans de confusion qui l'emportent? Penseriez vous vous garentir en son naufrage? Comme les Pilotes sont emportez à trauers des escueils par la violence d'une bou-
 rasque de mer & s'y perdent: Aussi sont les Princes ordinaiemēt dans les desordres de l'Estat, si de bonne heure ils n'en destournēt l'orage. Et si encores vous n'estes assez esmeu par la consideration du bien, ne le deuez vous pas estre de l'honneur? Qui doit appeter la gloire que ceux qui sont nez de condition glorieuse? Appartient il qu'aux Aigles de regarde fixement le Soleil? Vos vœux & protestations infinies y ont si fort interessé vostre hōneur, qu'il en receura sans doute vn eschec, si vous ne faite voir à tout le monde que vous n'aez pas moins de sollicitude & de courage pour bien acheuer que

vous auez eu pour bien commencer. Penſez vous que vos ennemis ne feiſſent profit de voſtre refroidiſſemēt, & qu'ils demeuraffent muets dans voſtre ſilence ? Mais le ſont-ils ? Comment le ſeroient-ils veu qu'ils ſont parler les murailles ? N'oyez vous pas ce qu'ils diſent deſia (impudemment touteſois ?) que vous eſtes capable d'entreprendre non d'executer ? Que vous eſtes plein de propoſitions, vuide de reſolutions ? Langues de viperes qui ne cōſiderēt pas que vos actiōs ſont ſujettes à vne puiffance ſuperieure, à laquelle le deuoir & le reſpect vous commande de vous ſubmettre & laiſſer le cours libre à ſes volontez. Voudroient-ils point que violentant toutes choſes, vous feufiez autheur de nouveau ſcandale. Et en ſuitte ample ſubiet à leurs calomnies ? Ne ſçauent ils pas que les affaires ont leurs âges, qu'ils les faut prendre en leurs temps & que la precipitation les ruine ? Qu'à eux ſoit la violence & à vous la iuſtice. Qu'ils continuent leurs artifices, & vous voſtre ſilence iuſques à ce que la ſaiſon vous conuie de parler & de faire. Cette ſaiſon, Monſeigneur, approch. Vous auez iuſques icy ſagement & prudemment laiſſé libres aux ouuriers les conferences de leurs deſſeins, & l'aſſemblage de leurs materiaux. C'eſt à la fonte de la choſe qu'il vous faudra contribuer

contribuer de vostre soin , de vostre conseil, de vostre courage. La où tous les vœux de la France vous conuient , où vostre pieté vers elle vous inuite; Et la où elle espere vous voir genereusement combattre. Le vice par vostre vertu, la passion par vostre zele, & le desordre par vostre prudence.

Si ceste action n'estoit publique, si de sa nature elle n'auoit la liberté de dire ce qui la blesse, si nostre Roy par ses patentes ne l'en auoit auctorisee. A l'aduanture seroit-il, sinon iuste, au moins tollerable de luy imposer des loix & capriuer ses deliberations. Et à vostre grandeur flechissant sous la puissance de ses arrests, de n'auoir la bouche pour ce, que sa Majesté l'auroit fait: Mais estant composee des trois ordres de cet Estat, & que par les loix fondamentales d'iceluy, il leur est permis de dire franchement ce qu'ils estimēt luy seruir. Que par lettres authentiques publiques en mil endroits, sa Majesté leur permet le libre vsage de leur aduis & de leurs plaintes, il ne seroit pas seulement iniuste de les leur empescher: mais impie, & à vostre grandeur bien fort reprochable de s'en taire. Pensez que ces procedures extraordinaires ne peuuent auoir leurs mouuemens dans la volonté de nostre Roy: mais qu'elles en sont conuerties, qu'elles en sont desguisees afin

de leur donner passage. Que son âge encore tendre, ne luy permet de se roidir à ses conseils par vne entiere & parfaite cognoissance qu'il aye de leur valeur : mais que la passion de leurs autheurs se sert de sa bouche comme d'un alambic pour en mieux distiler l'amertume, & sous les accidens d'une douce potion y noyer le cœur de son Estat & soy mesmes. Si nous le cognoissons, le pouuons nous taire sans crime? Et vous Monseigneur, sur tous autres qui auez & l'auctorité de le dire & l'accez pour le faire. Si vous n'en estes esmeu du deuoir, soyez le au moins de compassion? Pauvre Prince à qui rien ne deffaut que le temps. Admirable en esperance si les graces naturelles que Dieu luy a departies estoient secondees de la fidelité de ses seruiteurs. Prince auquel le mesme Dieu a reserué la gloire pour compagne de savié, si la malice du siecle ne l'en destourne. Qui a puisé dès le ventre les riches semences de la vertu de ses parens (Comme de deux abysses) pour l'ornement de son Diademe : Mais que l'infidelité, l'auarice & l'ambition des hommes de ce temps sous les faux visages d'amour, de prud'homme, & de bien publicq tasche d'estouffer, tasche d'opprimer. C'est à vous, Monseigneur, de luy en descourir la fraude, la luy faire voir, la luy faire taster.

Assuré que Dieu qui a tousiours eu vn soin particulier nos Roys & cest Estat, donnera à vos parolles efficace de persuasion, luy ouvrira l'oreille pour vous entendre & le cœur pour vous croire. Si bien que de commun accord remedians à tous ces menquemēs, il ramenera sans doute ces violences aux plus salutaires aduis de tant de graues personnages qui honorent de leur presence cette congregation. Et si vous ne le faiçtes qui l'entreprendra? quelle saison attendez vous plus opportune? Quelle occasion plus riante? sçauiez vous pas qu'elle est chauue, & que si elle passe vostre vie peut estre s'escoulera auant que vne pareille se rencontre. Ce que vous pouuez faire apresent avec iustice ne se pourroit cy après sans violence. Puis que vous auez procuré ce bien à nostre France, n'auiez vous pas interest qu'elle en iouisse? C'est vostre gloire. Ouy mais direz vous quel honneur d'entreprendre sans succez? A quoy ceste entremise? A vous descharger au moins, Monseigneur, du blasme que vous pourriez encourir par vostre silence. A illustrer de plus en plus vostre nō à la posterité comme celui d'une autre Cassandre qui auroit preueu le mal se seroit mis en deuoir d'y donner ordre. Mais que le malheur du siecle n'auroit voulu seconder. Prestez, Monseigneur, prestez à la

France vostre langue & vostre courage. Pensez vous que dans vne si notable assemblée il n'y ait pas nombre de gens de bien, de courage vrayement François, qui n'ont autre caractère empreint sur le cœur que le lys. Et qui tres-volontiers se mettroient au hazard d'une disgrâce pour le bien public & la discharge de leurs conscience ? Qu'il n'y ait point entr'eux de ces Fabius Maximus, de ces Attilius Regulus, qui preferent à leurs vies & aux commoditez de leurs familles les conseils vtils à la patrie ? Et que ces personnages quelques promesses particulieres qu'ils puissent auoir faites, se voyans apuyez de vostre auctorité ne resilissent courageusement à ce qui sera de mieux, sçachans pour maxime veritable que les mauuaises promesses ne sont pas tenables. Et s'ils ne le font, malheur sur eux. Tesmoignage asseuré du renuersement de ce pauvre Estat: Car le sens s'esmousse & rebouche quand le destin empoigne les hommes au collet, disoit vn Ancien. Dieu blesse le sens à ceux de qui la diuersité s'approche. Et Iob, Quand Dieu veut affliger vn Estat, il emmeine despoüillez les Conseillers & met hors le conseil des sages, il destache le lien des Roys & leur sangle les reins, il oste la parolle aux homme diserts, & soustrait le conseil des anciens. Il espend le mespris sur les Princes, & lasche la cein-

ture des forts. Il oste la veuë aux chefs de la terre. Au moins aurez vous à contentement, Monseigneur, d'auoir contribué ce que vous deuez à cet ouurage, & quoy qu'il tarde le mal estant arriué, vostre prudence & sagesse sera recognuë & regrettee (mais à tard) & face Dieu que ie sois trompé. Neantmoins il vous est necessaire de le tenter, si vous aimez l'Estat, la grandeur de vostre Roy, & vostre honneur propre: Car si toutes choses demeurent en l'estat qu'elles sont. Qu'aura seruy ceste congregation que pour auctoriser dauantage le desordre, & se seruir d'elle pour establir de tant mieux les mauuais conseils les couurant de l'auctorité publique? Pour guerir les maladies du corps humain. On se sert de medecins experts qui en puissent recognoistre les causes & y donner les remedes propres. De mesme pour redonner à cet Estat malade sa premiere santé. Est il necessaire d'vser de l'experience de ceux que nous sçauons le pouuoir faire par les testimonignages qu'ils ont rendus de leurs suffices, extirpant dès la racine les motifs par vne purgation conuenable: Car comment le voudroit on souslager si on luylaisse l'vsage libre de ses appetits deprauez, & des conseils de ceux mesmes qui l'ont porté à la desbauche? En peu moins de cinq cens, Nous auons veu

deux saisons en ces affaires , l'une florissante, opulante , tres-bien reglee , & tellement que dès le commencement de l'annee on voyoit iusques à vn fol la recete & despence ordinaire de l'Estat, & le fôdz qui reuenoit de bon toutes charges payees , fonds tres-grand. On voyoit les deniers des receptes & des fermes si bien reglez qu'il ne s'y faisoit comme point de nouualleurs. Toutes les assignations si biē acquittees aux termes qu'elles valoient deniers comptans. Aussi l'Estat en estoit splandide, craint & redouté de tous. Apresēt vn desordre par tout si extreme qu'il n'y a tantost plus de forme. Les deniers des receptes alterez : les fermes sinon diminuees au moins la plus part ruynees par la ruine des fermiers:& pour auoir preferé en icelles des hommes de neant à ceux qui les eussent bien maniees cōme si l'on n'eust visé qu'à se venger des directeurs precedans par vne apparence de plus grand menage & de soulagement public en la descharge de partie des droits d'icelles au profit du peuple sans diminutiō du prix , sans neantmoins en auoir bien consideré la fin & la peine que ce seroit si la faute de fonds & la necessité des affaires requeroit de restablir ce qu'ils ont ruiné, qui fera qu'au lieu de les auoir augmentees on les verra sans doute venir au rabais. Les assignations de l'Espargne

en tel estat, qu'elles sont inutiles a ceux qui les ont, qu'en perdât le tiers ou la moitié pour estre payez du reste: & ainsi fons manquant, porte ouuerte a nouueaux Edits, subcides, creation d'offices, & ainsi l'Estat exposé à la mesme ruine & necessité qu'il estoit il y a trê-re ans, & à la mesme fortune qu'il a couru. cest à vous, Monseigneur, de vous représenter ces choses & les exagerer en ceste assemblee afin de les ramener à l'ordre le meilleur par la consideration des deux temps. Choix qui sera de tant plus aisé à faire, qu'en l'vn nous auons pour patron nostre deffunct grand Roy qu'on peut dire auoir porté dans lescrein de son estomach les plus resolues & veritables maximes de bien reigner.

Sage en conseil & vaillant au combat.

Qui nous empeschera donc de suiure vne guide si excellente & nous conformer à ces methodes? la multitude est mere de confusion specialement es affaires de finance. Celles de France sont tellement liecs & enchaînées que la conduite en est bien plus aisee es mains d'vn seul que de plusieurs, outre l'incommodité des parties ayans affaire à tant de testes. Cest aduis ne sera pas receu de tous les administrateurs mais suffit qu'il le soit comme il sera des gens de biē d'entr'eux qui quit-

teront tres vollōtiers leur particulier intereīt pour les neceffitez publiques, & en tout cas fuffit il eft neceffaire, & que fa Majesté l'ait agreable, mais d'autant, Monseigneur, qu'il pourra arriner que pour rabattre ce grand effort que vous ferez sans doute pour le bien de cet estat au changement de l'ordre estably aux affaires. On voudra pour accommoder toutes choses & vous repaistre de quelque apparence de contentement choisir vn milieu vous interessant en ceste conduicte. Cela estant vous deuez confiderer qu'en ce fait il n'est pas tant question de vous y donner la part qui vous y est deuē, comme de trouuer vn moyen par lequel l'Estat puisse reprendre son lustre & sa vigueur. Au moins est-cela le but ou vos protestations & vos desirs ont tēdu des le commencement. Si vostre quallité vous permettoit de vous donner le trauail requis en vne charge si penible qui sera celle de ce reftablissement, Certes Monseigneur, toute la France auroit a singulier contentement de voir vostre grandeur chargee de ce faix, & s'en sentiroit infiniment soulagee, sur les assurence qu'elle a tres certaines de vostre affection & capacité : Mais s'il est expedient pour elle il ne le seroit pas pour vous mesmes, vous deuez euitier qu'il ne soit dit que vous n'ayez trauaillé que pour vous. Et que
ces.

ces rumeurs passées n'ayent eu pour ob-
 ject que vostre consideration particuliere,
 C'est la c'est la, vostre interest, de faire
 voir à tout le monde, que vous n'avez esté
 porté en cet action que de l'amour que
 vous avez pour vostre Roy & son Estat,
 que pour luy vous faites litiere de vostre
 particulier: Mais que vous n'en auez point
 Que vostre fait propre ne vous touche
 que par le sien: Car ainsi le laisant en ar-
 riere, vous l'advances. Vous faictes vn
 coup d'Estat à vostre gloire, & luy don-
 nez les ailles qui porteront la memoire de
 cet action à noz nepueus pour estre ce-
 lebre comme la plus Auguste de vostre
 vie.

Si vous gaignez ce point, Monsei-
 gneur, il vous sera facile de venir à l'au-
 tre qui touche les alliances d'Espagne. Puis
 que vous ferez aysement parcistre le pre-
 iudice qu'elles feroiēt à l'Estat. Dont les
 raisons son si fortes & en tel nombre
 que qui ne les voit pas ne voit pas le jour
 & faict des nuicts en plain midy, raisons
 tant de fois representees par tant & tant
 d'esprits veritablement embrassez de l'a-
 mour de la patrie, que les rebattre seroit
 imporrain & les repeter inutile. Outre

que ie me soubmettrois volontiers à toute rigueur, que si les voix libres des Deputtez estoient recueillies sur ce subiect, il ne s'en trouueroit pas de dix l'vne qui les approuue. Et passeray plus outre, que si celles de tous les subiects du Roy y pouuoient estre receues, il s'en trouueroit si peu pour l'accomplissement qu'elles ne vaudroient pas la peine d'en faire ligne de compte : Et quand nous n'aurions autre consideration que le naturel de ces peuples. Cela nous feroit il pas vn assez fort moyen pour n'en souhaitter la communication? superbe, audacieux, Nous prompts & violens, ennemis capitaux de ces vices? Est-il possible que pour donner vne femme à nostre Roy, & vn mary à Madame. il nous les faille prendre des mains de ceux qui depuis cent ans ne trauaille qu'à nostre ruine & qui pensent en icelle bastir les fondemens d'vne Monarchie de l'Europe? Qui ne se sont iamais occupez qu'à nous harceler, soit par guerres ouuertes ou intestines, qu'aucun lien de parantele n'apeu retenir de le faire. Qui ne se sont pas contentez de voyes de faict: mais y ont adiousté toutes sortes d'attentats sur les vies de nos Roys. Bref qui n'ont es-

pargné aucun moyen pour contenter ou leur haine ou leur ambition. N'y a - il plus de maisons souveraines au monde qu'il faille passer par ceste necessité de recourir à nostre ennemy pour nous donner des Princes qui nous commandent ? Que nous baisions à la bouche ceux qui nous voudroient avoir deuorez ? Qui nous ont despoillez de nostre bien , & ne beent qu'après ce qui nous reste ? Misérables que nous sommes , nous voyons le gouffre & nous nous precipitons dedans. Serons nous tousiours ministres des passions de nos voisins ? Voulons nous estre si charitables de nous perdre pour establir leurs affaires ? Ne void on pas que ces conseils ont passé les Alpes pour venir à nous ? Et bien que pour les rendre plausibles & receuables, on n'ait peut estre représenté que l'egalité des aages & des maisons & l'étretenemēt de la paix entre ces Princes. Neantmoins les Autheurs n'ayent assez d'artifice Ces alliances estans plus nouëes) de persuader de nouveaux desfings & conseiller de nouvelles entreueues à Bayonne aussi funestes que celles de soixante cinq auant que de donner la forme au bastiment. On pose les fondemens

& puis on bastit dessus. Les sages de ce monde en font autant en leurs desseins. Ils embarquent ceux qu'ilz veulent tromper par des apparences specieuse, & après les auoir engagez en sortes qu'ils ne s'en puissent desdire, ils les mainēt peu a peu à l'extremité qu'ils veulent, ou ils trouent en fin le precipice de leur ruyne. Bon Dieu que diroit à présent nostre grand Roy, Ce grand Prince, qui mourant nous auoit laissé tant de beaux preparatifs a la gloire, tant de vestiges certains pour aller droictement au temple de paix, il en voyoit si tost entre nous la piste effacee la memoire esteincte? & que ceux es mains de qui il les auoit depposez facēt ce tort à sa vertu preferant des aduis contraires, de faire vne offrande souëfue à son ennemy de ce qu'il auoit de plus cher, & priuer par ce moyen sa geniture de la gloire de véger sur luy les offenses de son pere & les siennes? d'auoir laissé vn ieune Mars au monde auquel avec la naissance il auoit donné le courage & la passion d'aller hardiment reprendre sur la teste du rauisseur ses courrones rauies & neantmoins qui sous les apas d'un mariage hors de saison inegal en tant de sortes on luy en veille destourne l'occasion? Monsei-

gneur ces actions sont publiques aussi sont les Roys. Toute la France a interest particulier de contribuer aux mariages de ces Princes, de ses ieunes Princes, si elle participe à leurs maladies ne le doit elle pas a leurs contentemēts ? Vous deuez donc Monseigneur, tenir la main puis que ceste resolution est vn des points principaux de la cōuocation desdits trois Estats, qu'il ne se passe rien de violent, & que sous ombre de la demande qui en pourroit estre faicte par les cahiers des prouinces suiuan les commandemens qui en ont esté faits aux deputez, ou les delais qu'ils en pourroient faire à l'arbitrage de sa Majesté. Ou pour mieux dire des auteurs de ses conseils. On ne passe cet article, sans autre aduis: mais faire en sorte qu'il soit meuremēt deliberé sur iceluy en plaine assemblée d'Estats. Afin que la deliberation estant faite selon les loix, la determination en soit suiuite, au grand bien de l'Estat à l'honneur de nostre Roy, à la gloire & descharge de vostre Auguste nom.

FIN.

